



ArcelorMittal.

U.G. "EKO FORUM" ZENICA
Mehmeda Tarabara br.5
72 000 Zenica

21 decembar 2009.

Poštovani,

Nakon što je Kompanija provela prve kontakte i razgovore sa svim Nevladinim organizacijama, koje u svom programu aktivnosti imaju definiran interes za saradnju sa kompanijom ArcelorMittal Zenica u različitim sferama djelovanja Kompanije, u prilici smo da Vas informišemo o prijedlogu za buduće oblike i program saradnje, te o pitanjima koja su bila navedena u Vašem Memorandumu, predatom Kompaniji na prvom sastanku i urgiran Vašim dopisom od 26.10.2009 godine.

Uz izvinjenje što nismo bili u prilici da Vas ranije informišemo o pitanjima koja su od interesa za Vaš program djelovanja, u ovom dopisu naći ćete odgovore na pitanja Vašeg interesovanja.

1) Oblici saradnje

Kompanija ArcelorMittal Zenica i ovom prilikom izražava svoj interes i namjeru da razvija odnose sa svim udruženjima građana lokalne i šire zajednice na osnovama domaće legilsative, međunarodnih konvencija, politike Korporacije i Kompanije u ovoj oblasti, te pozitivne prakse od obostranih interesa. Sva udruženja građana želimo staviti u istu razinu uvažavanja i razvijati jednako važne programe saradnje, koji će biti određeni zajedničkim dogovorima. Želimo praktisirati saradnju na zajedničkim sastancima uz dijaloge, i obostrano informisanje, očekujući veće rezultate takve saradnje.

2) Programi iz Plana aktivnosti u 2009 godini i planirani programi za 2010 godinu

I kompanija ArcelorMittal Zenica je snažno zahvaćena globalnom recesijom i drastičnom promjenom stanja na tržištu čelika, što se odrazilo na finansijske tokove i sposobnost investiranja. I pored toga, i ako nisu bile još izdate okolinske dozvole sa obavezama, Kompanija je u prioritete programe za 2009 i 2010 uvrstila ekološke projekte koji će dati najveće efekte u zaštiti okoline, prvenstveno na kritičnim pogonima Koksne baterije, Aglomeracije, BOF-čeličane i Vodoprivrede. U nastavku dajemo pregled projekata koji su u fazi realizacije ili pripreme (za 2010 godinu), a nakon uručivanja okolinskih dozvola i naloženih obaveza izvršit će se dopuna programa za narednu godinu.

Tabela 1. Investicioni ekološki program i za 2009/2010 godinu

Lokacija	projekt	2009	2010	2011
Koksara	Ugradnja sistema za zaptivanje glava usponskih kolona	██████████		
Čeličana	Rekonstrukcija sistema otprašivanja u mikserском području	██████████		
Aglomeracija	Pretovalni čvor AM-L-C Ugradnja sistema otprašivanja	██████████		
Energetika	Centralni sistem za mjerenje industrijske vode	██████████		
Aglomeracija	Poboljšanje efikasnosti sistema otprašivanja na elektto filterima	██████████		
Čeličana	Instalacija sekundarnog otprašivanja - nabavka kompresora za zračnu zavjesu na konvertorima	██████████		
Koksara	Besprašinsko zasipanje uglja		██████████	
Aglomeracija	Rekonstrukcija i poboljšanje efikasnosti sistema otprašivanja		██████████	██████████
Visoka peć	Ugradnja taložnog bazena za čišćenje i hlađenje vode sa visokopećne granulacije troske		██████████	
Kovačnica	Uspostavljanje zatvorenog sistema i ugradnja opreme za recirkulaciju industrijske vode		██████████	
Energetika	Ugradnja separatora ulja i masti iz otpadnih voda na izlazima iz pogona		██████████	
Industrijsko odlagalište otpada	Projekat popravke i proširenja kapaciteta deponije Rača i uređenje deponije		██████████	
	Projekat skladišta otpadnih ulja za cijelu AMZ		██████████	
	Investicione i studije izvodljivosti za Koksaru, Aglomeraciju i Energetiku		██████████	

3) Monitoring

Kompanija je uvela i vrši monitoring emisija u zrak i vodu, te monitoring buke u skladu sa legislativom FBiH, sistemom okolinskog upravljanja prema standardu ISO 14001, i planu monitoringa iz Elaborata/Planova aktivnosti.

U nastavku dajemo pregled uvedenih monitoringa u Kompaniji.

(1) Monitoring zraka

(a) **kontinuirani monitoring** – oprema je instalisana na 6 visokih dimnjaka u pogonima Koksara, Aglomeracija (2 dimnjaka), Visoka peć, BOF-čeličana, Toplana.

- Oprema je puštena u rad: marta, 2009 godine
- Parametri mjerenja: protok, pritisak, temperatura, prašina, CO, CO₂, SO₂, NO_x, O₂.
- Mjerne stanice: locirane u pogonima
- Centralni PC sistem: lociran u Departmentu za ekologiju
- Operatori: Obučeni inženjeri – ekolozi
- Praćenja rezultata: svakodnevno, izrada Elaborata o godišnjim rezultatima, obaveza do 31.marta za prethodnu godinu i dostava nadležnom organu, u skladu sa legislativom.
- Korištenje rezultata: Za operativno djelovanje u pogonima i planiranje prioriternih investicionih programa



ArcelorMittal

(b) Periodični monitoring – Vršiti se u skladu sa odredbama važeće legislativne i daje se u posebnom izvještaju, kojim se ispunjavaju obaveze iz Zakona o zaštiti zraka (Sl.N.br.33/03), Pravilnika o graničnim vrijednostima emisije u zrak i Pravilnika o graničnim vrijednostima zagađujućih materija u zrak (Sl.N.br.12/05).

Realizator programa: Tenderom odabrana certificirana stručna institucija, registrirana u nadležnom Ministarstvu (kompanija "Dvokut" – Sarajevo za 2008 godinu).

Izvještaj o monitoringu: je predat nadležnim institucijama, u skladu sa odredbama Pravilnika. U toku je izvedba mjerenja po programu monitoringa za 2009 godinu.

Program monitoringa: Vršiti se mjerenja emisija u zrak na svim kontroliranim mjestima emisije u svim pogonima Kompanije, emisije u okruženju nekih pogona, te mjerenja efikasnosti rada svih instaliranih uređaja u svim pogonima.

(2) Monitoring za vode

(a) Mjerenje EBS – tereta zagađenja otpadnih voda prema Zakonu o vodama (Sl.N.FBiH br.70/06).

Posljednje mjerenje izvršeno novembra, 2009 godine.

Realizator programa: Institut za hidrotehniku GF – sarajevo

Elaborat je poslat na nadležne institucije FBiH

(b) Periodični monitoring otpadnih voda: na ispuštima u rijeku Bosnu.

- Vršiti se svaki mjesec (12 x godišnje)
- Izvođač odabran na tenderu: Institut za hidrotehniku GF – Sarajevo

(c) Interni monitoring: svih otpadnih voda Kompanije, sa 19 lokacija.

- Izviđač: Laboratorija Metalurškog instituta "K. Kapetanović" Zenica.

Dostupnost rezultata monitoringa

Izvještaji obaveznih monitoringa, koji se provode u Kompaniji u skladu sa legislativom FBiH, dostavljaju se nadležnim organima u Federaciji i cijenimo da su oni dostupni svim zainteresiranim licima i udruženjima. Kompanija nije u mogućnosti dostavljati Izvještaje na pojedinačne adrese.

4) Komplet Planova aktivnosti

Planovi aktivnosti, sa Elaboratima dopuna izrađenih nakon provedene revizije od strane Stručne komisije Ministarstva za okoliš i turizam, predati su nadležnom Ministarstvu i u postupku su izrade okolinskih dozvola.

Elaborati sadrže 20 poglavlja, sa propisanim sadržajem. Poglavlje 13 sadrži planirane Programe aktivnosti sa rokovima realizacije, koje je bitno i dostupno svim pojedincima i udruženjima čiji je interes očuvanje okoline.

Kako druga poglavlja Elaborata sadrže i druge podatke o svakom proizvodnom pogonu, koji su internog karaktera i veoma obimni (12 knjiga), to nismo obavezni iste umnožavati i dostavljati zainteresiranim. Naš stav u tom pogledu ne odstupa od prakse i u drugim kompanijama slične djelatnosti.

5) Kontinuirani ulazak u pogone ArcelorMittal

Vaš zahtjev za kontinuirani ulazak jednom mjesečno u pogone Kompanije razumijemo kao dobru namjenu interesovanja, a ne preuzimanja uloge državne inspekcije.



ArcelorMittal

Kompanija praktičira, a u buduće će to činiti i češće da organizira dane "otvorenih vrata" u određenim povodima kada i aktivisti "EKO FORUMA" mogu biti gosti Kompanije, i imati mogućnosti da se upoznaju na terenu o mjerama i aktivnostima koje se provode iz ekoloških planova.

6) Kontakt osobe

Prihvaćamo prijedlog da se imenuju kontakt osobe za programiranje saradnje. Ispred Kompanije ArcelorMittal Zenica to su gđa. Dijana Božić-Srdanović, telefon 467-045 i gđa. Azra Sivro, telefon 467-025.

Nadamo se da je vaše udruženje dobilo informacije za koje ste bili zainteresirani. Preporučujemo direktne kontakte i razgovore koje će polučiti veće rezultate.

S poštovanjem.

Uz saglasnost generalnog direktora ArcelorMittal Zenica,
Prof.Dr. Aziz Mujezinović